

Rapport dalla seduta dil cussegl da vischnaunca dils 24 da zercladur 2020 a Breil.

Beinvegni ed avertura

La presidenta dil cussegl, Prisca Sgier-Caduff fa a tuts presents in cordial beinvegni alla seduta da questa sera. Quella seduta vegn tenida giu sut cundiziuns spezialas en connex cun il coronavirus. Ei vegn giavischau da tut ils presents da setener vid las mesiras da hygienia e da tener distanza in da l'auter.

Cunquei che Martin Comincioli ha schau perstgisar sto vegnir elegiu sper Marcus Dietrich in ulteriur dumbravuschs per la seduta. Ei vegn fatg la proposta sin Luzi Pfister. Senza cuntervuschs vegn el elegius unanim sco dumbravuschs per quella seduta.

La gliesta da tractandas, la quala ei vegnida tarmessa tier cun l'invitaziun, vegn suttamessa alla discussiun. Cunquei ch'ei vegn buca fatg diever da tala ei la gliesta per la seduta da questa sera ligionta.

1. Approbaziun dil protocol dalla seduta dil cussegl dils 8 d'avrel 2020

Il protocol ei vegnius tarmess allas cusseglieras ed a tuts cussegliers. La presidenta dil cussegl suttametta quel alla discussiun. Da tala vegn buca fatg diever. Il protocol vegn approbaus unanim.

2. Approbaziun credit supplementar Via Priel

La presidenta dil cussegl tschenta la damonda d'entrar ed arva la discussiun. Da tala vegn buca fatg diever. Aschia ei l'entrada decidida e la fatschenta sa vegnir tractada.

La Via Priel a Vuorz vegn sanada uonn. Il credit da frs. 350'000.00 ei vegnius approbaus cun il preventiv 2020. Cunquei che la vischnaunca sto far in sviament provisoric duront il temps dalla sanaziun ed il project ei aunc vegnius adattaus empau, ein ils cuosts da construcziun pli autls che stai previ el preventiv.

La suprastanza fa la damonda per in credit supplementar da frs. 150'000.00 per la construcziun dalla via e frs. 50'000.00 per il provediement d'aua.

La discussiun vegn dada libra. Sin las damondas sa vegnir dau risposta. Cun tscherna unanima approbescha il cussegl il credit supplementar da frs. 150'000.00 per la construcziun e frs. 50'000.00 per il provediment d'aua.

3. Approbaziun revisiun fegl da tarifas aua e deflussiun

La presidenta dil cussegl tschenta la damonda d'entrar en la tractanda ed arva la discussiun. Da tala vegn buca fatg diever. Aschia ei l'entrada decidida e la fatschenta sa vegnir tractada.

Ils 3 da fevver 2020 havein tarmess ils quens d'aua e deflussiun tenor la nova lescha. Sin fundament da quels quens ha ei dau siat protestas. La vischnaunca ha schau giudicar il biro Dr. Bänziger Cuera quels recuors. Sin fundament da quei giudicament ei semussau che la lescha havess stuir vegnir giudicada dil « survigilader da prezis » avon la decisiun dil cussegl. Vinavon astga la taxa fundamentala buca survargar ils 75% dils cuosts totals. La suprastanza ha adattau las tarifas e schau giudicar il « survigilader da prezis » la lescha cun las novas tarifas. Cun scriver dils 27 d'avrel 2020 fan els a saver la vischnaunca che la lescha cun las tarifas novas seigi en uorden. Cun quella adattaziun dil fegl da tarifas ei la equivalenza dallas taxas fundamentalas visavi il diever garantius.

Vinavon propona il survigilader da prezis il suandont :

- *Die Grundgebühr auf Basis von Belastungswerten festlegen.*
- *Alternativ weiterhin eine Grundgebühr pro Gebäudeversicherungswert zu erheben, diese jedoch so zu senken, dass der Anteil dieser Grundgebühr an der Gesamtbelastung nicht über 50% liegt und zusätzlich eine Grundgebühr pro Wohnung/Einfamilienhaus einzuführen.*
- *Bei den Abwassergebühren eine Regenwassergebühr auf die entwässerte Fläche zu erheben und sicherzustellen, dass der Kanton und die Gemeinde ihren Anteil der Strassenentwässerung bezahlen.*

La suprastonza fa la proposta d'adattar las novas tarifas, sco menziunau naven digl 1 da schaner 2020. Las ulteriuras adattaziuns giavischadas dil survigilader da prezis duein denton tenor las argumentaziuns dalla suprastonza buca vegnir persequitai vinavon.

Clau Schlosser informescha il cussegl sur dallas investiziuns previdas en connex cun il GWP en la vischnaunca da Breil. Ils cuosts d'investiziun per ils proxims 15 onns muntan tenor il calcul da cuosts da Cavigelli Ing. Glion total ca. frs. 28 milliuns. Vinavon ston differentas vias communalas cun lingias d'aua vegnir sanadas els proxims onns. Tier la dismessa ein las lavurs vid la serenera Sorts a Tavanasa terminai el decuors dad uonn. Perencunter entscheiva la sanaziun dalla ASA Sablun a Rueun. Leu ei la vischnaunca responsabla per varga 60% dils cuosts da sanaziun.

Prisca Sgier ha tarmess tier a mintga cusseglier in scriver cun differentas quintaziuns ed argumentaziuns tier quella midada. En la seduta declara ella quei scriver cun fa aunc enqual remarca tier quel. Ils cussegliers han priu per enconuschientscha dallas argumentaziuns, ein denton plitost dil meini da suandar alla proposta e las argumentaziuns dalla suprastonza communalas.

La discussiun vegn dada libra. Ei vegn fatg viva discussiun cun differents arguments pro e contra. Sin las damondas sa vegnir dau risposta. Cun 10 encunter 2 vuschs decida il cussegl d'approbar la revisiun dil feagl da tarifas naven digl 1 da schaner 2020 sco proponiu dalla suprastonza e da buca persequitar vinavon ils giavischs per adattaziuns dil survigilader da prezis.

4. Elecziun cumissiun da scola

Tier la cumissiun scola dat ei las suandontas mutaziuns :

Carmelia Gort ha abdicau sco commembra dalla cumissiun sin la fin digl onn da scola 19/20. Cornelia Deplazes ei vegnida elegida sco pedagoga curativa sin l'entschatta digl onn da scola 20/21.

Per ellas duas sto vegnir elegiu duas novas commembras dalla cumissiun scola

La suprastonza sco era la cumissiun scola fan la proposta d'eleger :

Selina Fontana da Breil e Sarah Huber da Dardin

La discussiun vegn dada libra. Ulteriuras propostas dat ei neginas. Cun tscharna unanima elegia il cussegl da vischnaunca Selina Fontana da Breil e Sarah Huber da Dardin sco novas commembras dalla cumisiun scola naven digl 1 da fenadur 2020.

5. Presentaziun quen e rapport annual 2019

Il secund quen e rapport annual 2019 dalla vischnaunca fusiunada da Breil siara suenter expensas ell'altezia da frs. 12'675'797.64 ed entradas da frs. 15'624'884.35 cun in surpli entradas da frs. 2'949'086.71. Amortisaziuns ordinaras ein vegnidas fatgas ell'altezia da total frs. 622'166.60. Il quen d'investiziun siara suenter expensas da frs. 3'940'199.60 ed

entradas da frs. 834'452.20 cun investiziuns nettas ell'altezia da frs. 3'105'747.40. Il quen ei vegnius revidius da Giachen Caduff digl uffeci da vischnauncas sco era dalla cumissiun da quen e gestiun dalla vischnaunca. Quei ei il secund quen tenor il niev model da quen MAC2. Vinavon ha la cumissiun da quen e gestiun revidiu il quen annual dalla Meglieraziun Breil-vitg. Clau Schlosser repassa il quen current, quel d'investiziun e la bilanza e dat sclariment sur dallas differentas posiziuns. Entradas supplementaras ha ei dau tier la taglia sin schischom, la KWI ha pagau suenter taglia per ils onns 2014-2017, sco era tier la taglia sin midada da maun. Vinavon ha ei dau entradas supplementaras tier il tscheins d'aua. La KW Frisal ha stuiu pagar suenter tscheins d'aua per ils onns 2011 – 2018 muort ina fallida quintaziun.

La discussiun vegn dada libra. Sin las damondas tschentadas sa vegnir dau risposta ed ei vegn fatg neginas propostas per midadas.

6. Rapport da revisiun ed approvaziun dil quen annual 2019

Vic Desax, president dalla cumissiun da quen e gestiun, rapporta sur dalla revisiun prida avon maun e menziunescha il fatg ch'il quen ei sco emprer vegnius revidius digl uffeci da vischnauncas. La cumissiun ei fetg satisfatga dalla buna lavur dalla suprasatnza communal e dall'administraziun. Il quen seigi vegnius presentaus al cussegl en tut ils detagls, aschia che la cumissiun stoppi buca commentar tal. Ins hagi controllau tut las spartas dil menaschi da vischnaunca e saviu constatar che la contabilitad ei menada conform ils principis mercantils. En cass da damondas hagi la cumissiun survegniu in detagliu e clar sclariment. Quei ei stau il davos quen ch'igl uffeci da vischnauncas dil cantun ha revidiu suenter la fusiun. Sin proxim onn stuein encurrir in biro fiduziari che fa quella lavur sper nossa cumissiun das quen.

La cumissiun propona d'approbar il quen annual 2019 e dar scarica alla suprasatnza sco era a tuts emploiai. Vic Desax engrazia alla suprasatnza, all'administraziun, als emploiai ed a tuts funcziunaris per la buna lavur prestada el decuors digl onn vargau ed en favur dalla vischnaunca.

Las cusseglieras ed ils cussegliers fan negin diever dalla discussiun. Per consequenza vegn il quen annual 2019 sco era il quen dalla meglieraziun Breil-vitg suttamess alla votaziun. Cun tscherna unanima approbescha il cussegl ils quens annuals cun dar scarica a tuts funcziunaris.

Il quen vegn repartius en tut las casadas e mess sin nossa pagina d'internet. Convischinas e convischins che ein buca cuntents cun l'approvaziun dil quen ni cul quen sco tal, san far diever dil referendum facultativ tenor constituziun communal.

7. V a r i a

Prisca Sgier engrazia per la preschientscha sut las cundiziuns spezialas e la partizipaziun. Ella giavischa alla cussegliera ed als cussegliers in bien retuorn a casa e siara la seduta allas 22:15 uras.

Breil, ils 25 da zercladur 2020

La presidenta

Prisca Sgier-Caduff

Igl actuar

Curdin Cadonau